

四庫全書

集部

欽定四庫全書

御製詩四集卷八十三

古今體九十一首

辛丑七

篋輅用癸巳恭題

皇祖御用輅詩韻

門前呈射年十二

壬寅歲余年十二侍  
門前呈射發矢連中每邀

皇祖於宮

恩獎

御惟

家法

輅動尚射癸巳歲敬以

皇祖御

蒙

用輅十有二弄之篋行用昭

手澤垂示萬年云

獎深恩識至今勅誌幸惟無忝

澤觀揚敢或有渝心步艱中鵠已常愧

自庚辰臂病後步射艱于持滿

命中每引為愧而行圓藉馬力控射時仍以為常也

馳可殪麋衆聽欽篋弄泐詞賡

舊韻永懷寧為寶球琳

即事

天晴聊作問山遊倏忽飛來落雨稠  
五步一楓十步柳  
避霖勝彼閣還樓

山近軒對雨

塞雨時作止山軒小憩停乍飛一川白  
頓失萬峰青擬

識如觀幻畫圖難寫形須臾雲歛盡巖瀑尚餘聽

題清娛室

為室由來必有鄰書軒山近步廊循取之左右適其可  
耐以周旋任彼真過雨山容翠如濯搖風樹韻靜而倫  
清娛欲得心無滓養此寸田福萬民

簇奇廊

奇者正之對正恒奇祇偶好正泰之機尚奇否之友茲  
廊稱簇奇乃因山景有橫嶺與豎峰青松及丹榴

叶盡

態復極妍而廊無不受受則弗失正而奇亦非醜五字  
誌所會是亦一道否

延山樓

近山軒左側樓復號延山一再寧非甚性情偶寄閒開  
窗納蒼翠梯几俯孱顏點筆便宜者無勞事陟攀

古松書屋作歌

古松依塞山無懷葛天世所有泰岱秦時五大夫去斯  
數百千年後古松有誰知大夫之名傳乃久彼何幸此

何弗幸馬遷附青雲語誠非偶然而我詠大夫時則已

對其新補率非舊

叶 泰山五大夫松乃雍正年間內務府總管丁皂保監修泰山工程時

補種故辛卯詠五大夫松有曩日司工人補植之句豈知古松猶然太初真面目

更悟有名者不若無名恒自守

喜雨

閏五月廿四日

夏日雨多何致喜喜雨知其為時矣自至山莊率逢晴便有陣雲霏即已昨夜連纖遂達晨厯辰卓午疎密繼

叶是誠優渥利大田麥收况入倉囤裏而予未免有後

言魯論注云適可止

喜晴

閏五月  
廿六日

時作時止雨連朝恐至霖霖意已焦君子之德貴涵養  
似我未免失之恍尋思此實因民耳籌農祈歲心誠勞  
今晨日朗雲盡散碧天如洗迴沲寥頓手慰哉慰繼懼  
夏長秋收時尚遙

題錢陳羣和韻書冊再疊甲午詩韻

曩年有作寄賡諸望九人勤每手書真蹟難重得致惜

誠心仍此鑒惟譽及門題者復逝彼

題冊詩連此凡四首其三曾命于敏

中和韻以其為陳羣之高弟子也今并敏中亦為陳述彌覺感懷遂令梁園治董誥和之書冊後

撫案

觀之更戚予七字聊因識歲月吟鬚無恙髮霜疎

### 遊獅子園

獅子峰陰居

賜昔額題仍是

御毫揮有懷因便為一豫無逸敢皇懈萬幾頻問郵籤

心不懌

閏五月二十三日據阿桂奏十五日大舉攻勦將賊匪卡子四座攻得復乘賊散回攻得賊人



大卡賊戮賊匪甚多隨於左近回面等卡聯絡接應海  
蘭察明亮等即帶兵駐守次日天明又佔得兩處山包  
並將賊營迤西木布爾廟燒燬殺賊甚多現在官兵接  
連佔至黃河邊兩岸俱有兵丁水手防範賊勢窮蹙不  
日可勦除淨盡等語今又隔  
數日惟晝夜盼望捷音耳  
忍看畫障景如依成詩數

首旋歸去行漏曾非四刻違

### 樂山書院

樂山意豈在山也當日趨庭景逼真問禮問詩都且置

為君緬

示止於仁

妙高堂

園內最高山每來必陟攀人間塵不到松下鶴常還禪

悅緬

隨喜

昔年 皇  
妙高即取東坡金山之意云 考喜開示禪理

今題怡昔顏東坡造

初地不擬透重關

草房

房草猶然

示儉垂間庭到惜去遲遲量包四海三間屋寧渠茅簷

學樂飢

松柏室口號

庭間不種其他樹足識

當年育物心六十餘年

貽手澤試看滿院佈嘉陰

忘言館

巖館最深處林巒互吐吞靜當岷外務悅可駐高奔讓

棗無存弟

少時于此比肩者為和親王後以此  
園賜果親王居之今皆早棄世矣

舍飴有

弄孫觸懷偏憶舊夫那得忘言

題楊維禎鐵笛圖

鐵崖生自圖鐵笛冷勁性情兩不倫一曲秋風橫郁捋  
虎頭阿堵並傳神

書扇賜大學士阿桂時在蘭州勦回寇

邇日書詩經

曩時曾書詩經全部並指示畫院圖之間亦涉筆茲重觀之覺書法未臻因復手寫

一通易之通書至小雅北山從事賢勞經營四方之句不覺繾懷于役者之勞云

北山什重勘即事懷賢

臣于役頻再三江河資畫策逆回茲勦陷

大學士阿桂于上年臘底

命往浙江閱勘塘工今春並令由江南至河南查辦河務時值甘省匪回肆逆遂命由豫取道赴甘會勦近雖屢奏勦殺賊匪并於賊人所佔山梁四面拏卡圍逼賊勢窮蹙待斃而藏事捷音尚未奏到懸望日甚一日耳

徒以

恃險守絕壁及深壑密圍待坐困報功信遲欠憤懣爾我同賢勞久煩愴卿無父母憂予有股肱念賜扇藉解炎是用五字挾

山東巡撫國泰奏籌徵麥抵穀便民等事詩以誌事

山左今年麥獲豐因籌徵輸去便民窮

山東今歲雨澤調勻麥收豐稔

在九分以上國奏請酌籌徵麥抵穀以麥六斗抵穀一石交倉所有各屬節年民欠准其以麥抵交俾免狼戾其有願還穀者仍聽其便俾倉貯既充而輸將尤便于官民兩有裨益慮其樂歲粒餘戾抵彼償秋穀數融一轉移而得兩便私完納亦藉公充夏收北省幸一律益切祈年凜素衷

兩江總督薩載奏報得雨詩以誌慰並書扇賜之

江南夏五揀秧時一歲農功最要期早月霑膏閏餘望

高田需澤次時遲

薩載奏上江地方南路雨水充足中晚二禾紛紛揀時北路桐城合肥滁

州一路地勢高阜自五月二十四二十六等日得雨後高田不無望澤正擬設壇祈禱於閏五月初八九等

日甘霖大霈入土約有一尺山柳得此透雨均可不誤  
三時栽種云案農書夏至後半月分三時頭時三日中  
時五日未  
時七日也  
甫商祈雨為  
去聲  
民請遂得霈荷

吳慈接閱黃綾封事報誠忻誠懼諭卿知

題沈周桐陰玩鶴圖

過乳喬梧弗待洗嘉陰高士立蒼苔步橋羽客自成篆  
不是鄰翁問字來

題文津閣

山莊建府數文教禮樂興今逮百年預構閣樓收四庫

每勤魚魯校諸賢  
鈔胥何故偏其滯  
董事寧當任彼延  
木架香楠此空待  
幾時得覩貯全編

趣亭

四柱翼然臨巘頂  
林姿峰態攬無遺  
不因濟勝步品齧  
此趣還當付阿誰

月臺

假山之上石臺迴  
日取山高臺更高  
總為眺瞻先得月  
無窮人欲致人勞



玉琴軒作歌

玉琴軒文津閣軒前本舊有閣後實新作一水為之帶  
萬石為之壑閣未成時每到軒即今閣恒有詠軒乃數  
載闕句著厭舊喜新我尚然如是世情儘堪度茲來一  
聆玉琴音太古之曲不藉人醪攬成連伯牙其後輩空  
向絲桐勞摸索

千尺雪二首

天高塞遠是源頭千尺小哉論短修南北去年吟雪意

一齊分付與東流

砢礮彭江落深潭聲色縱橫正好叅瀑議每年來著句  
忘言誰得似雲嵐

永恬居

巖谷向西轉肩輿數息行幾橋跨澗築一水落溪鳴旋  
亦山居到依然夏景呈身心都與靜足見

聖人情

素尚齋

素尚接永恬必由廻廊陟聊乘一時間那惜雙步力然  
匪窮遊興實用緬

先式蓋欲恬心者宜以素為則居安斯禮復去華在已  
克堪以註魯論永言識

淵德

熟

山莊名避暑本自多爽涼邇來戶口滋烟火盛倍常以  
是每致熱而熱却非長刀耕火種者况已遍巖岡頗藉日

為暄鬱蒸乃致穰是熟寧可無對時農務詳林下披颯  
風亦每矣歆忘

雨

六月初  
二日

閏五下澣雨逮此將十日其間偶作解非久亦非疾今  
曉乃霈霑占協京房吉山田正勃長高下凡一律內地  
虞過多馳諭詢其實

熱河竟日暑雨正於山田有益而  
近畿一帶又或恐有過多之慮因

降旨馳詢留京王大臣等令其迅速覆奏

晴

昨日雨至申間亦時作止然恐為靈霖已切望晴矣傍晚雲遂散徹夜間晴美晨復雲而輕速已雲盡徙落落碧天高愁消繼以喜

綠毯八韻

山莊土美草豐連岡遍野而以鹿多恣食不致蔚長鋪地不過寸餘誠綠毯也對而引興用成八韻  
綠毯試云何處最惟避暑此山莊却非西旅織裘物本是北人牧馬場雨足翠茵鋪滿地夏中碧蜀被連岡

鶴行無礙柔叢印鹿嚙那容密剡長度不尺盈剛及寸  
聞殊香燕乃饒芳奢哉溫室氍毹漢刺矣白家絲線唐  
奚必鄭元書作帶偶同李賀句歸囊莎羅小坐因成什  
示儉因之緬

訓良

再題楊維禎鐵笛圖

船頭鐵笛梅花弄足寄稜稜傲世情不識大明鼓吹曲  
可曾用此以和聲

按楊維禎仕元以狷直忤物十年不調入明不仕似  
為全人而其大明鏡歌鼓吹曲非刺故國頌美新朝  
幾於劇秦美新其進退無據實足鄙斥不可謂之明  
哲保身出于不得已也嘗著論錄其集前因題鐵笛  
圖并識如右

西峪

今來西峪始為遊隔歲景光待詠酬祇以賞新暫置舊  
誰無已得又他求試觀人欲靡窮也亦悟世情足戒不

路入碧峰寺深靜拈毫厯厯記從頭

碧峰寺

石徑兩傍松山門對碧峰漫云屈玉食便以禮金容祇  
樹動風靜禪花過雨濃不教白足守南北那尋宗

味甘書屋口號

寺後三間精舍幽竹壚茗椀味相投東坡却道輸崖蜜  
試問為同為異不

叢碧樓



山中所長去聲物曰惟高下林一碧亦萬頃蔽峰還羃岑  
而樓于其中如泛綠海潄天籟落雲間飽聆激軫音設  
如撫絲桐成連或可尋

有真意軒

造物生機溥弗繁有如時景對山軒試看澗樹巖花際  
何一而無真意存

對畫亭口號

畫者每為山水圖擇宜率置小亭孤此亭畫裏還畫外

對處艱成答語乎

題秀起堂

肩輿得得陟崔嵬  
片刻山堂亦到來  
七字詩情同夏永  
四鄰畫趣共雲開  
超然自與他峰別  
美矣偏宜對席陪  
泐壁題楣新舊錯  
艱乎著句慮重儻

振藻樓

拾級偶當幾暇時  
會心七字促成之  
眼前藻績天然景  
添足何須抽秘思

驟雨

肩輿出巖齋碧霄本晴朗東北一片雲視之猶天壤輿

人知雨來沿谷速行往汝速那如雲瞥眼靈霽放

叶豎

灑復橫排繁聲及急響疊溪陡巖間落瀑紛漭沆盡態

與極妍千變更萬狀

叶

摩醯不知數闕全安能做

宋劉克莊

題闕全驟雨圖詩云四山昏昏如發墨行人對面不相  
觀又云異哉烟霏變態中山川墟市明歷歷其摹寫殆  
不遺餘力然以視塞山陰晴倏忽變

現之真景猶未能仿佛一二也

我繖猶濕衣衆豈

免執掌倏霽一事無因教薄行賞

題所做倪瓚獅子林圖四疊前韻

逸品倪圖藏石渠做為一再並題書孤高祇以蹟傳彼  
構築因之事剏予卷展神遊到姑孰几憑清夢擬華胥  
吟成依舊蠅頭寫老眼先慚昔不如

詠觀泉玉澣

松有清風泉有音觀泉高士坐松陰東坡曾不資硯備  
笑我頻煩著澣吟

澄泥瓦硯歌

汾水之泥紗囊盛棄粗留細取其澄

遵生八牋稱唐之澄泥硯品為第一

其法以紗囊置汾水中取其泥極細者陶以為硯澄瑩如玉因令晉撫就汾水取泥俾蘇工依古法製此硯

制倣古法陶煉精為硯仍從漢瓦形未央弗藉鄧侯名

建安銅雀尤所輕即今彼二

謂未央銅雀瓦硯

夫豈誠或云五

代質鼎成

昔人貴未央銅雀瓦硯以陶埴澄細法製精良也然歐譜言古瓦少真者近人乃以澄泥

如古瓦狀埋土中久而琢以為硯未吏亦云相州土人自製陶硯在銅雀上蓋自宋以前已有偽為者矣且未央殿瓦無慮億萬片豈能皆鐫鄧侯之名銅雀之瓦亦然此不待辨而亦可知其為偽矣久假弗歸

真遂稱然豈終瞞精鑒能存真祛偽斯硯呈綈几用陪

子墨卿絲綸佐我籌治平

留京王大臣奏報雨不過多陰晴適均詩以誌慰

恐致靈霖驛問之

前以熱河竟日暑雨降旨馳詢留京王大臣據奏過日京畿一帶陰晴相

問雨水不致過多于田未並無妨碍云云報來晴雨恪宜時豈能一晌無生

慰却見雲興又惕斯

江南河道總督李奉翰奏邳睢黃河南岸魏家莊

隄工漫溢詩以誌事

方喜江南雨揔秧

前月底甫據薩載等奏上下江於閏五月初八九等日甘霖大霈入土盈

尺山田得此透雨均可不誤三時栽種

即聞河溢魏家莊似茲略漲已為

害則彼長隄何恃防

茲六月初九日李奉翰奏到邳睢黃河南岸魏家莊大隄因雨後水

勢盛長全河大溜南趨水高隄項人力難施于六月初一日未時隄工漫溢過水約長十餘丈現在一面飛飭淮徐道何裕城副將李永吉等先將漫缺隄工兩頭裹蘄不使塌寬一面親赴漫工督查另行繪圖貼說詳晰具奏尅期堵築固不因疎遂交議亦當思久為去謀良陶莊治

後歲遭決

李奉翰以不能先事預防自請治罪因思南河自陶莊開放引河以來戊戌秋議封與時

和驛先後決口直至去年春始得合龍而六月郭家渡隄工又復漫溢今又有魏家莊漫口之事或轉因陶莊引河紆迴阻格所致歟因降旨詢大學士阿桂并薩載李奉翰等令其悉心咨訪通盤籌計經久良策不得少

存廻護之見并諭令韓錄當勤更致疑焉慚不遑  
渾於北河各堤工亦加意防護

### 阿桂奏圍困賊營斷水情形詩以誌事

賊營蓄糧足延時取水黃河更密過所以守穴三月久  
近始四面圍築壘黃河被隔填井泉絕水賊窮知必死  
老教逃出將欲斃

前經阿桂等奏安設木城卡棚將賊營四面攻圍并設法隔斷水磨溝水

道其華林寺後及雷壇二井俱用土填築茲復據奏守卡官兵殺死夜間盜水賊匪數名并有脫回之老教等八名提訊該犯等俱受渴已極不能出聲予水亦不能下徐徐灌潤始能言語據供稱賊匪共五百餘人老弱傷病者斷水五日已有渴死者即賊渠蘇四十三及力能打仗之人亦斷水三日雖有炒麵不能下咽驢馬牛



驢數百匹倒斃淨盡俟其困憊已極  
卽進兵擒捕不使一名免脫等語

與水亦不能飲此

徐徐灌活始取供其衆五日苦斷水觀奏翻為心惻然  
兇渠首禍累衆耳然猶一心拒王師反側為恨亦彼取  
叶  
厄魯回部及金川不無勦殺為蕩洗何以茲番乃憐  
賊古稀因識吾老矣吁嗟嘉兵有至訓豈願興戎不得  
已

登烟雨樓卽景

為喜嘉禾樓望意構樓玉塞俯澄瀛適當烟雨呈暑景

便拾級梯攬潤情去歲巡南因肖北今朝責實果循名  
循名可耳無須甚時我心中正盼晴

望晴

大暑原值時行候作霖實亦難免爾一雨晝夜三日連  
斷續疾徐率未止臙雲欲散旋復聚晦而幸明落更駛山  
田易淺固不妨所慮低田關以裏馳諭大吏問情形連日  
雨勢未已因念關內低田或致雨水過多馳諭表守伺  
詢問近日保定一帶是否不致有妨田畝并日內永定  
河水勢增長各  
情形迅速覆奏  
更廩永定可循軌徘徊露立並望晴萬

姓之憂切一已陰金可畏乃若此其穰未誠誠易水

題敞晴齋

每至敞晴必暢情暢情都大為

去聲

農耕愁懷率與徂雲

淨霽景欣於慰眼呈白屋由他四美具碧山是我二難  
并千峰落瀑紫烟蔚興異青蓮亦句成

清綺書屋

書屋小年又一時翠巖過雨罨窗披若於兩字論詩品  
句憶玉溪斯有之

繪韻樓

畫所難工處曰惟繪韻焉色斯具生動聲則勝絲絃却  
匪丹青染本來林壑詮告他嗜古者絹幪豈須懸

題含青齋

一谷東西隔山齋得畝平肩輿不數武循徑遂至庭閱  
歲茲初到奚妨稍憇停千峰生翠烟晃朗羲光晶玩景  
猶餘事籌農真愜情廓然任彼含獨我年非青

松霞室

迴廊略轉上書室複巖過索當窮其奧陳畫況在裏

室內

有陳書畫  
長松圖

數千百年松正對窻前峙而窗糊玻璃神韻

相面視若賓若主問我亦難為擬朝暮蔚烟霞亦弗分  
彼此欲問太古初夫誰餐之矣

### 聞蟬

御園五月蜩

昨於御園  
有聞蜩時

山莊六月蟬一二本難辨實有

先後焉

一解

南者亮以清北者宏而壯物異人豈同強固

因殊狀

二解

蒙古無巧語直呼綽爾齊

蒙古呼蟬為綽爾  
齊綽爾齊者胡茹

奏曲人也以蟬聲宏聲頗中宮商而蟬豈自知三時至

彼自鳴夫豈有不平意謂昌黎序略失之琢情四解山中

嫌寂歷流響出林翁設以鼓吹方謂當勝彼孔五解粗韻

為金石細韻為絲絃聆餘鞭然笑恐人號官蟬六解官蟬

塞外聞此事亦希有芑蒙鄙彼癡怵惕勵子守七解

直隸總督袁守侗奏報連陰不致為潦情形詩以

### 誌慰

近詢京畿雨暘勢遠問迤南禾稼情茲據方伯報詳悉

夏霖雖溥旋即晴

前因連日陰雨塵念保定一帶民田及永定河水勢因降旨馳詢茲據表

守伺覆奏六月初七八等日雨勢頗大隨赴永定河防汛見沿途旱禾高梁暢茂異常即最窪之地偶有積水寬不過數畝深不過數寸自十一日後天已晴霽即可消涸不惟田禾無礙兼可普望豐收至永定河近日長水三次均不過數寸旋長旋消並未盛漲諒係上游口外宣化一帶雨不甚大河流順軌兩岸堤工在在穩固等語覽奏為之欣慰最窪地偶有積水寬不數畝易消盈所幸天

霽三四日不惟無害冀秋成永定漲實不及尺堤鞏固河走中泓覽之不勝額手慶陰金辛讓陽金庚今歲或不似去歲時猶長矣惕益并

青蓮島歌

山莊舊有青蓮島峭峰三言泐

聖藻借問島上何所有千年之松五色草詭石礪礪坡  
曼延襟帶塞湖波浩渺塵跡不到舟可通方之蓬閭奚  
邇藐我欲肖為烟雨樓相度無如此地好飾云肯構何  
敢當景仰高山樸為寶作歌敬詠青蓮島

佛口所宣

佛手拈一部華嚴真義了



艾菱

菱與荷並生塞湖始原洲渚各分區侵尋菱占荷之界  
簇戟角葉波間鋪荷之田田勢脆弱菱之救救興豪粗  
是謂小人害君子此而不治直道無因命艾菱俾荷暢  
紅花綠葉恣芳敷祛邪扶正非害物斯豈寧因遠觀圖  
聚散劄子讀牟氏絜矩恐有似此夫

塞湖泛月四詠

塞雲斂盡碧霄清幾

平聲

望水輪倍覺明傍晚乘涼兼玩

景遂教青雀

舟名泛澄瀛

脾貯湖將里計寬落來嵐氣不妨寒舟過荷浦霞光入  
紅玉鏡擎綠玉盤

錘峰剛影樹參差旋燭寥天潏沕披此景原從太古有  
拈毫得句者伊誰

橫拖金塔閃清濤巧與波颺影蕩搖不異向年御園景  
所殊夏夜似秋宵

稱老

昔也我不忍稱老

謂六十七歲以前

傷哉其意過已貌今也我

却可稱老惕哉末路恐難保復憶曾為壽者詠願老悲

老愚之道

丙戌歲詠金剛四相壽者云衆多願老還悲老云此非愚愚竟誰

古之六帝

我居七

考古帝王年逾七十者漢武帝梁高祖唐明皇宋高祖元世祖明太祖凡六帝元明二祖為創

業之君禮樂政刑有未遵焉其餘四帝不足為法詳見古稀說及七旬慶典詩彼豈盡能保泰

好臨莅卅六年以久敢曰輕車熟路造萬幾或一之弗

謹失毫釐謬千里杳邇日正書抑之戒彼諸侯耳我亦

曉

嵐靄

嵐本山之氣靄則雲之容所以靄从雨而嵐斯从風朝

嵐夕靄語泛用原可通設定分朝夕

謂嵐必朝而靄必夕則不可

格

物理未窮嵐乃山夕涼謝

靈王

維語誠工

謝靈運射堂詩夕照嵐氣

陰王維逍遙谷宴集序羣山夕嵐之語皆謂嵐氣為夕

商隱移之朝

李商隱詩徒望朝嵐與夕

照是定嵐為朝氣前此未有也

實未識山中國語謂鴉阿精注嵐所從

謂晚風息後降谷涼氣衝設終風弗息是日嵐無逢山

莊日驗之此事人知同悉端倪為什莫非造化功

立秋日作

六月十八日

快霽連朝實愜心

自十一日晴後雖每作雲而未雨十四日陣雨出虹遂快霽至今

又逢

白帝報初臨西南吉協占風此

每遇四立二分二至靈臺按例必報占風率達

吉占風本無定況百里不同未必可信然今日熱河則實西南風也

季夏早緣遇閏今避

暑已欣天曠朗入秋更覺氣蕭森陰金惟慮多生水寧

可過晴弗願霖

俗以立秋日大雨為秋僂主三秋少雨今年太若免日晴為秋釣主三秋少雨今年太

歲在辛酉問雨水需足禾黍已極暢遂正宵晴晒結實為農慶耳

秋澄齋八韻

氣澄天碧落時澄地潯收山澄雲歛谷川澄水淨流入  
澄暑退夷物澄毛毯柔一澄無弗澄而總皆緣秋我適  
坐高齋灑然會心悠其中閱今昔不覺光陰遁代謝由  
化工推遷誰能留惟是祝宜暘西成近可酬

題靜餘軒

於軒為靜餘於人為餘靜有識人無識軒間犁然本殊  
境有識者為暫無識者為永暫永已弗敵有無豈相等  
而我嘒嘒言是謂不自省

招涼榭

已覺秋涼何必招却因婪尾略餘歡笑他熱似老來健  
例我吟如債合消日轉西峰陰得早風翻喬樹爽偏邀  
便蒸為雨應無礙農候三庚正利蔭

觀瀑

瀑之韻為聲瀑之體為形於形實用觀於聲方用聽韻  
誠體所發聲乃形所呈然則觀先聽

聖藻揭義精

題澄觀齋

山莊駐月餘巖齋乃初閱一以幾少暇一以遊怯熱坐  
亦如昨日那覺隔年別翠壁陰佈長清溪流已潔金風  
落林端颯爽真可悅萬物對澄觀於秋更親切

翠雲巖

石壁崢嶸間砢扶詩難著語畫難圖翠其色也真還幻  
雲彼形乎有若無

太古以來原有此所過一時信佳矣而此不容擬議間



笑我歷年吟未已

雨

六月二十日

立秋雖不雨應節弗踰三

昨日立秋

晚稼猶資潤終朝未

致酣滌炎真是夾慮甚豈非貪酉刻雲容斂晴光朗萬  
嵐

曉

昨日秋霖晚快晴曉來雲盡碧天晶滿川露氣青蕪灩  
一嶺曦光白露橫禾黍長成徹根潤菜菔種後仰頭榮

將登萬寶候非遠此際持盈懼益升

策馬

策馬出山莊閑隄還閑稼隄緣園安居稼實闢豐化何  
一非為民可以深居罷大田已吐穗晚種苗芃亞武列  
流無定相勢籌防瀉躬勘並疇咨一行兩資藉無逸而  
有為晝長况餘暇

阿桂奏報撲殲賊營已誅賊首蘇四十三詩以誌  
事

番回滋事信奇談嘯合千人死守甘邪教縱能令志固

元戎原是用兵諳

前以撒拉爾番回蘇四十三肆逆官兵圍之于華林山而賊衆甘為死守

阿桂節次奏報調派官兵安設木卡斷絕水道堵務辦理皆合機宜

填壕撲柵羣心奮斷

水焚糧衆力戡乃得一朝破巢險猶然數百冒鋒酣

六月

二十二日已刻據阿桂等奏到于本月十五日令海蘭察明亮率同領隊大員并侍衛章京等帶領官兵屯練降番及阿拉山兵先在卡邊埋伏相機進攻乘密雨時出賊人不意將枝細土袋拋填賊人所掘壕溝我兵奮勇直進哈當阿帶領川省降番首先躍入壕內與賊匪攪殺官兵拋擲火彈乘勢擁進勤殺賊衆佔得賊卡賊壕俱經折燬填塞海蘭察明亮督率官兵遠則鎗箭齊發近則短兵相接各路官兵咸懷振奮分佔勘上賊卡

海蘭察明亮又擊立木柵帶兵直撲賊營痛加勦殺拋  
射火箭火彈燒燬帳房板屋奪獲賊人刀矛烏鎗無算  
餘賊竄回華林寺死守呈驗剝得賊首一百二十餘顆  
隨令前此擒獲監禁之賊黨家屬等逐一辨認據認出  
首逆蘇四十三韓一提把拉周阿渾張阿渾即張懷德  
馬黑提卜等首級確鑿無疑并據投出老教杜山列等  
供稱賊人被殺死并帶傷者三百餘人所存殘敗賊黨  
尚有二百餘人遁入華林寺不敢復出現今官兵四面  
圍緊架礮轟擊數日之內即可勦戮淨盡等語因明降  
諭旨將首先奮勇出力之海蘭察明亮并哈當阿交部  
從優議叙其餘在事出力員弁及受傷陣亡官兵查明  
分別議叙優恤降者等概行賞給一月錢糧以示獎勵  
并令阿桂將蘇四十三首級傳諭各省集示俾回民共知儆戒  
異哉狼戾撒拉爾馘矣

猖狂四十三不屑紅旗飛報捷但云藏事更云慙

烟雨樓四詠

晴為烟則陰為雨  
晷實浮空淡蕩然  
盈手無形還不濕  
試噓分半又凝全  
飄飄初自鼎頭裊  
漠漠旋從簾角連

承德朝炊萬家起

熱河自

皇祖肇建山莊有萬家  
烟火隨民便之句今將百年樂利

貽麻此然京  
北一大都會矣

至今樂利沐

堯年

右烟

大斯霽霽細霏微  
總助樓中潤景祈  
春望其興恒未至

春多望雨時尚  
未至山莊也  
夏愁已甚莫無違豈常雁塞豫而樂比

似駕湖是也非暑雨自多怨咨者思艱每用緬

前徽

右雨

青蓮島本水中央石刻三言

聖藻煌

是處本名青蓮島  
烟雨樓即築於此

接壘假山因綴景相資高閣

作清防玲瓏頗具邱壑勢咫尺寧勞筇屐忙掩映四鄰  
真者在不知孰幻孰為常

右假山

借詢樹以若為真獨十八公名亶循駐島應從疏仵代  
得朋惟有大椿鄰烟恒冬亦雨恒夏月自秋而風自春  
摩詰後生猶絮語奚稱種作老龍鱗

右真樹

題董誥烟雨樓圖

素壁詞臣命寫圖遂看即景貌駕湖是烟是雨真無定  
為北為南了不殊何必避嫌云著相果然入妙協清娛

春巡昨况分明在依戀民情略繾吾

平旦

孟子言平旦惟戒人梏亡豈知曲阿明所被遍圓方粵

宛鼓太和清明舍百昌夜氣於旦見匪謂陰勝陽

晝陽而夜

陰謂夜氣清明人以睡夢不覺旦氣清明人以接物而梏亡之則可若謂夜氣勝旦氣則是謂陰勝于陽矣讀

孟子者我每因宵衣逢斯於山莊金烏扶桑枝滄滄復

涼涼露光湛淺蕪其芳襲人香林禽與原獸各自適其  
常何所容好惡人物胥同良出王及游行亦懷抑戒章



山中

山中秋信得來真樹張

去聲

清陰風爽神鳥似有情依客

語鹿知無害向人親隨緣遇處皆成趣觸緒拈時總絕

塵自謂勝他唐宋者六家詠未入詩醇

予選唐宋詩醇凡六家其詩中

總未及此地也

荔枝

分根植桶土栽培度嶺便船載以來經宿敗而人馬斃  
紫微詩句涉虛哉

按今之荔枝自閩而來率分其稚根植於桶以舟運  
至非甚艱致而綴枝鮮腴如常並有至此旬餘方熟  
者

神御薦新並頒賜王公大臣歲以為常若杜詩所云一  
騎紅塵自南海七日而馳至長安則其果必敗不可食  
有如唐書所言而人馬亦未必即至馳斃大約記載  
之書多不實即如今之報軍機要務一日夜馳六百  
里加緊則八百里然皆按驛換人易馬豈有馳斃之

事唐時馳進荔枝卽真亦斷無不換人易馬之理一  
人一騎豈能直馳數千里乎

食蕉居

居據巖谷最深處嶺環溪抱殊竈窳今朝風日喜爽涼  
便命肩輿試遊到既狹乃曠迴怡神得逸于勞俯而眺  
林姿峰態報新秋景謚心澄愜觀妙設曰食蕉至末甘  
月餘始臨亦相肖

小許菴口號

小為萬姓總林林許以不知不識心此景唐虞世乃有  
艱哉致矣惕而欽

命加恩甘省被番回兵燹窮民詩以誌事用四月  
降旨查卹施恩詩韻

何來雜種逞刁獪竟犯州城躡市圍早以詳查命大吏

先是命尚書和坤往甘肅即令將該地方遭賊氛焚何  
以加恩之處奏請頒旨有曰隱日艱應入告十行次第  
待頒諭  
茲應實政惠窮民本年糧賦全蠲納六月二十  
之句

桂等奏甘省應行撫卹事宜請將蘭州河州地方照乾  
隆三十年寧遠等縣地震之例辦理因即降諭旨將蘭

州河州本年應徵錢糧加恩概行蠲免其傷斃人口每名房屋每間請各給銀二兩又每人先給倉糧三斗再普行加賑一月又每戶實給置辦器具銀一兩牛馬每頭匹借給價銀四兩俾被賊焚掠貧民各安生業俱交行在戶部核覆依議速行內令焚處災傷普施仁小該地方官實力撫綏以示優恤

醜潢池累黎庶自無德化愧絲綸

### 古櫟歌

古櫟不知其歲月盤空綠雲翦櫟櫟不火寧同楓栢焚

山中之木歷歲久或生火而自焚于木  
蘭中每見之惟櫟不生大見淮南子  
非材更遑斧斤

伐塵世匠石且弗顧而況玉塞鄰仙闕與雲霞護鹿豕

遊鳳為羽儀龍作骨我每筍輿憇其下颯沓清籟夾毛  
髮無用居然或有用質之南華語應訥將軍大樹彼何  
為莫擬重儻致唐突

雨 六月二十九日

今日三庚錢明朝七月臨逮旬不妨雨

昨二十日雨今將及旬雨固無

礙但明日為七月朔日宜陽方協農占將朔恐為霖以此切思霽無聊屢

視陰晚來雲散盡慰矣倍生欽

御製詩四集卷八十三

欽定四庫全書

御製詩四集卷八十四

古今體八十二首

辛丑八

七月朔日作

早矣火星流月茲真箇秋塞雲山腹歛玉露草頭浮且  
喜心神與那辭光景適傍申隣薈蔚未免又關愁

雨

七月初二日

徹夜問雲薄質明零雨微雖云暄朔忌

七月朔日宜晴  
方協農占昨初



一日幸  
無雨  
祇恐作霖霖聽響徐還疾看陰密也稀天衣傍

午捲額慶朗晴暉

喜晴

小雨旋晴詠喜晴可知喜自畏中生一年能得幾回笑  
百歲都過大半程空宇蔚藍無點翳秋陽騰赤有餘晶  
不惟逍潦無資潤菜圃蒿町正發榮

頤志堂作歌

昔日頤

志尋無方言之猶自餘悲傷今日頤志不易得曰惟時  
若雨與暘頤者養也志欲豫然其豫也必有常隱居却  
掃非吾事吾之豫在萬民康恐作秋霖茲快霽額手西  
成或卜穰怵惕猶當厘半月  
再半月即為白露  
節無慮秋霖矣  
庶幾黍稷登倉箱

清舒山館

清是三秋最霽惟一念舒月餘忽過彼幾暇始臨予苔  
徑尋今步芸窻展昔書伊人真薄福

承慶愧其儲

是處總名清舒山館前堂額承慶乃皇祖御書蓋以賜舊皇太子者也我

皇祖何嘗不欲其承慶而彼自不能承每一瞻仰惕然自儆亦以戒我後人

水月精舍

精舍據厓厓一灣碧水披對宜月光皎來每午過時祇可存其意因之屢有詩然而窓俯際非即亦非離

綠雲樓

迴廊曼轉接書樓萬樹傑池翠欲流洛爾綠雲莫張王

二皆去聲可知時節已新秋

邀山室

山之德為靜其實弗解動

韻會凡物自動則上聲彼不動而我動之則去聲晰理頗

精作室額曰邀斯乃有迎送而山常在室何曾待延衺

是非彼自然乃由我所弄即室亦弗知支辭過誰訟

蘊奇齋口號

奇者平之對合知齋中所蘊乃多奇老來諸事喜平易  
即景聊因一詠斯

留京王大臣奏晴雨應時西成可望詩以誌慰

去年畿輔潦秋雨猶是辛金惕在心此每作雲必寄問  
今歲自到山莊每逢暑雨必馳諭留京王大臣詢問近  
畿雨水情形以辛金易生水恐復似去年秋潦也昨七  
月初二日因熱河陰雨復經馳詢據奏前月自十六日  
至二十八日天氣俱極晴朗是夜至初二日得雨二次  
勢甚微細為時不久現在天已大晴田禾茂盛豐實其  
低地前經大雨者尚可趕種蕎麥不至失收民情歡悅  
等語為  
之稍慰  
今稱久霽悉佳音黍禾逮熟觀銍艾蕎菜補栽  
長去聲蔚森不啻道霖希有歲倉箱未納倍生欽

七夕

小雨即佳晴洗車暫副名不能畧節物況是喻蠶耕漢

苑神仙事唐宮兒女情奇邪及褻狎徒惹後人評

寫烟雨樓圖用去歲烟雨樓圖詩韻

此亦弄懋勤殿者

曾兩圖臨米

昨歲仿小米為烟雨樓圖凡二一弄嘉禾本處一弄懋勤殿

忽忽已過

時茲於塞之浙亦復畫而詩那辨異同鏡都饒烟雨絲  
函三原是一舊韻偶賡之

題唐棣翠巘丹楓

名山翠色四時濃雁堵琳宮雲半封祇有丹楓寫秋意  
是為臨濟不言宗

賦得清溪遠流

往歲清溪裏，遠流時有無。今年恒見矣，夏雨或多乎。未

至勸衝激

山水偶值雨大則衝堤激石時或有之今歲乃無蓋緣雨雖勤而弗驟

却緣細

澍濡淙淙鳴不絕，淡淡照常輸。欲減奇底藉，縈迴趣已殊。寧惟資朗鑑，亦切溯源圖。

含粹齋

溪畔綠山垣，過溪遂入門。文言取乾象，

聖意示書軒。納景既無雜，淑身識有源。老來深契此底

事又辭繁

陳輝祖奏報浙省得雨詩以誌事

抗湖夏五插秧期雖屢霑膏未透施六月中旬方大霑

早秬晚稻普含滋

陳輝祖奏浙省閏五月中下雨旬杭湖等府望雨率屬祈禱於廿五廿八

等日得雨數寸至六月十八日省城甘霖大霑各屬普霑入土深透高下田疇積水早禾益加飽綻中晚禾亦俱滋長類實糧價

誰知北地愁霖日

自六月以來山莊及近畿一帶雨澤

連綿每盼晴霽幸雨勤未至甚正南省望雨時也

正是南邦望雨時一刻寸心

虛九有君難樂此不為疲



阿桂奏報淨勒番回信至詩以誌事

賊首雖陣斬餘黨十遺四乃竟弗出降死守華林寺釜底因仍闢延廿日弗潰邪教固人心亦誠大奇事築柵近逼之火攻下策試縱拚命跳踉圍戮無噍類勦回勦

斯藏飛章馳信至

賊首蘇四十三先於六月十五日經阿桂令海蘭察明亮等督率官兵直

入賊壕勦殺賊衆劉取首逆蘇四十三等首級其餘黨四百餘人尚死守華林寺思欲乘隙突圍竄逸茲阿桂奏報於七月初六日海蘭察明亮率同侍衛官兵等由華林寺撲入重重圍衆拋擲火彈鎗箭齊施短兵砍殺生擒賊六十七名割獲首級四百五十寺內躲藏餘賊殲戮無遺不致一名漏網等語

因思一月

前賊或紛迸避爾時圍未週

使賊於一月前未立木柵時衝突而逃追捕正自費

力每名見軍機大臣等豫諭及此然賊衆自蘭州被官兵擊退後即死守華林山俾我兵得挈柵環攻盡數剿殺不留遺孽實慰上蒼恩賜也烏散艱羅致知不足為患當更延久

滯負隅待盡殲誠感

天所賜然世有逆民即為君德累教化所未孚言及惟抱媿

創得齋

永恬居更向西行岡路威紆最有情幾轉石谿淙細瀑

千嶂峰樹晃新晴蝶尋露蕊常翻影鹿食秋草欲試聲  
駐蹕山莊將兩月創來得句副其名

夕佳樓

樓以夕佳稱偶來惟日午坐亦弗暖席陶句安從覩然  
而山之氣恒在樓簷宇我自不相值過弗在樓所彷彿  
嵐靄間首肯吾斯語

梅檀林

一嶺東西隔翠岑西為創得東檀林踰焉事半功斯倍

創得齋在山之西腰  
梅檀林在山之東腰

幻矣右陽左乃陰

日至未則山右  
為陽左為陰矣

去歲題詩已成昔今秋即景又從今堂中調御如如相  
笑我猶然今昔心

詠梅檀林鳳尾松再疊乙未舊作韻

於古有恒言種樹十年計是蓋謂榆柳目前供景綴松  
柏異衆木十年根認地百年方擎空品高無易事譬之  
君子人晚成弗速遂而我於石孔移種鳳尾翠初緣一  
時興思未及此際幸其得地氣粗增分寸逮巖間蔚古

松相視何同異七年凡三詠再詠期十歲

韻已再疊詩書三首以後

當以十歲一

壺為限耳

滄州趣疊己亥舊作韻

在水每憶山於山復思水人情欲兩全即斯可知耳巖  
齋偶遊目俯清怡得此其源不可窮其流弗離裏雲衣  
與浮沉天池為渚止得句亦超然秋晴值心喜

雲潤樓

佳處緣何此到稀恐防深入致霑衣今朝得句真殊勝

典籟千林耀朗暉

超然亭

玉塞已絕塵塞山更迴宇至宇心超然寥景宜清觀典  
風來有綠間雲去無所偶此暢余心亦復興別緒居高  
可恃高近民戒貽古

題孫克弘盆蘭用張照題句韻

侍臣昔扈

避暑宮

轅中有張照題句并跋云康熙壬寅照扈隨  
避暑熱河寢門外列秋蘭數十坑時得坐

欽定四庫全書

卷八十四

其下雍正癸卯京師過夏惟研北數枝而已因作  
此時甲辰藝蘭無花獨對此畫聊復書此云云  
露蘭

同一

湛恩蒙寢門外或坐其下癸卯迴思塞山夜甲辰藝蘭

未放英獨展是圖為伴者

四句聯括  
照詩中句

花有花無三年中

幻夢醒時意灑灑即今畫早辭天瓶

照齋名

却入西清供

吟把笑予多事復何為題句更摹粉本寫

郭熙秋山行旅

河陽行旅曾題句彼似非真此似真既曰似應猶未定

真乎欲問彼行人

向有題郭熙雪山行旅詩圖中既無款識筆墨亦覺  
纖弱因未入石渠寶笈之弃此圖古淡雄簡似是河  
陽真蹟然細觀題名又似後人補署者仍致疑焉故  
詩句及之

雨

七月十九日

快晴將十日小雨不多時

七月中旬雖二三次日  
雨然皆旋止不成分寸今曉

濃陰佈過晨細霏披已看颯景潤更喜晚田滋適可還



應止綿延踊懼之

晴

徹夜仍微霽達晨未散雲因之盼時霽乍喜斂濃霏  
共諸山朗心依晚稼欣多愁緣望歲難可識為君

河東總督韓鐸奏報儀封十堡漫口奪溜詩以誌  
事

江南報漫堤邳睢魏家莊河南報漫堤南岸焦橋旁一  
甚已致再塵念為傍徨那堪茲北岸奪溜洪波汪

先是據薩

載李本翰奏邳睢南岸魏家莊大堤於六月初一日漫  
溢過水勢甚凶湧嗣據韓錄奏河南祥符南岸無橋一  
帶漫水過堤旋即搶護斷流茲復據韓錄奏儀封北岸  
曲家樓漫溢至七月十三日因東南風大溜勢全歸孔家  
莊下注曲家樓勢甚湍急口門約寬百餘丈擬於外灘  
臨黃處所堵築現在飭屬購料撥夫趕緊施工等語北

岸近運河其害不可量覽圖幸散漫獨衝勢難當

北岸曲家

樓漫下之水東股由曹州歸趙王河至張秋西股由曹  
縣金鄉魚臺至南陽湖下注俱逼近運河雖幸而水勢  
散漫尚非獨流成河頂衝可比然經過諸處必致淤墊後慮正殷耳然必淤諸河後慮正

未央陰金生水沴調變慙乖常北洩南勢徐邳睢或少

康急則治其標調遣資南方

孔家莊上游漫口則江南魏家莊轉易竣事因飭河

標副將李永吉帶領熟諳備弁梅埽兵丁迅即赴豫幫辦  
并令李奉翰與薩載察看情形如魏家莊水勢平緩即  
令李奉翰亦星馳來豫會同督辦今據薩載奏連日黃  
水陡落二三尺溜勢平緩壩下已有停沙乘此進埽錄  
築施工較易此即曲家樓奪  
溜自必江南河流致細也  
惟亟救災黎賑恤命妥詳

各該處漫水經過被淹民田廬舍飭各該督撫督  
率屬員實力查勘加意撫卹毋使災黎一人失所冀速

堵溝槽築壩籌宣防  
韓錄所奏於外難築壩以美漫口  
斷流河歸故道所辦頗中竅要

夙夜以憂心民艱憇南望

題仇英秋溪曉渡

潦盡寒潭問渡時旅人馬上動秋思打頭落葉來何處

悟得風因便面吹

登四面雲山亭子作歌

亭子雲山最高處一年臨祇一兩度秋晴風爽試攀躋  
倏見四面英英佈園中此可稱靈山海喇汗頗似興安

塞外山靈異者蒙古率謂之海喇汗而興安為最凡車  
騎經過輒雨俗云洗山丁丑經興安雨有海喇汗常靈  
應明易為雨亦  
易為晴之句 略霏細霽旋開霽神樞孰得窺其端蒼

蔚乍為寥朗宇天橋錘峯近可觀萬景幻化供眺吟千  
古詩人誰水乳

王岑精舍

登高終降卑一語括衆理回首望雲山天半孤亭子嶺  
磴徐歷盡精舍乃得此憩舍偶憑窗王岑對面峙問岑  
目前乎抑亦於心裏

湧玉亭

湧玉今秋誠湧玉懸流曲注各分投究因常雨幸常霽  
爾許慰中爾許愁

靜舍太古山房

秀起堂右側磴道下踰窈得平過十尺室較十尺小而  
室乃三架計容膝不少山自太古有靜覺秋光好問誰  
知其含趣在五言表

不遮山樓

曲折通廊處起樓枕翠微匪誇兩層迴却喜四鄰圍守  
闕無藏妙鈎深每息機開窗萬峯納或免義山譏

巢翠亭

喬樹中間八柱空翠雲櫺櫺護龍蔥巢居雖以為亭額

慚愧時無上古風

霞標用己亥夜遊山月四首韻

霞標今昔

去聲

到來遲既到何妨小憩之己亥詩茲辛丑

和流陰三歲迅如斯

磴道肩輿緩緩行拂林秋籟颯寒輕山軒迴出諸峯表  
翠邏青圍眼底呈

隨處芸編閒可翻雅宜靜會遠塵喧却因博覽得其要  
祇在躬行不在言

待月常年原有例今年弗試夜行鞭

向年夜遊山月每乘馬至霞標坐待

月上遂策騎遊山而下故已亥詩有清趣畧習勞意望七八猶未歇肩之句今年逾古稀園中每肩輿緩行不復事夜間跋馬之遊矣略餘精力勤幾勅天下時仔正在肩

### 畫畫窓

春風秋月景非同朝靄夕嵐畫豈工四扇蜃窓隨分納  
清供眺詠興無窮

### 言志

甘省捐監處始自王亶望木偶視督臣一氣通下上

始以



日省歲被災地方吏欲藉捐監糧以為賑恤之用卽議因准行並令祇收本色米其後乃私收折色銀實始自王賈諍為藩司而總督勒爾謹竟如木偶並不奏奏甚至通省上下聯為一氣胃賑分肥毫無忌憚因令阿桂等徹底嚴查

定議收本色

糧也

貯倉資賑放墨吏收折色

方悉其弊

銀也 德壑饗無量報部仍本色公然行詐詎何能終久瞞

水落石出狀利令其智昏抑亦良心喪此而違抵法弊

吏將何尚冒賑兼剝民自取罪應償然予慮因咽廢食

並非當

辦理監糧冒賑一案原為剔除官吏積弊使百姓實受賑濟之益但恐各督撫誤會此意因咽

廢食致將災賑之事斬圓不舉因明降諭旨嚴切訓諭并傳諭李侍堯將甘省本年報災各屬派委明幹公正

大員詳悉查勘即勘不成災亦量予撫恤或予蠲緩或借給口糧籽種以資接濟其有不肖劣員因無可分肥諱災不報者尤必加倍重治其罪蓋積弊不可不去而災民不可不恤愛民所以事

天丁寧訓誠不啻三

令五明道

程

語晦叔

呂公著字

讜言恒所仰寧受百人欺好

賢心莫曠吾以用之賑寧濫毋遺宥誠恐覲覲者謂吾

靳賑餉巧吏何弗為卹民事胥忘弊不可不懲即此恐

招謗吾如有所吝全蠲賦三貺

丙寅庚寅丁酉三次降旨蠲免天下正供其各

省漕糧亦於丙戌庚子兩次降旨蠲免

萬民被豈虛萬世傳寧妄是用布

赤心言志期共諒嗟乎為君難展轉增惆悵

陳憲章山水用陸士仁題句韻

蒼松丹榭布陰稠一意無塵萬事幽原是卜居喬樹下

笑他興托遠峯頭

畫中茆屋隱於樹下陸士仁題句既賞其如此足清幽乃又云若為飛屨

千峯外卜築殊茆最上頭非惟興畫景不合亦自相矛盾矣因戲及之

寫古柯文石因題句

古柯依文石幽處結嘉賓枯裏含生意靜中有別神青

牛欣梓伴白鹿得松隣戶外青蓮島相形誰假真

山東巡撫國泰奏報黃水入運情形詩以誌事

連年黃河決

戊戌秋儀封決口庚子則睢寧之郭家渡考城之張家油房掣溜均在南岸

岸已為害今歲乃北岸踴躍害尤最奪溜大散漫湖河

為溝澮漫者復散流約分南北界南者經三湖

黃河向年漫口

俱在南岸今歲先於邳睢之魏家莊及祥符之焦橋漫溢亦俱在南岸至七月十三日儀封曲家樓復聞漫口則移至北岸黃水大溜分為二一南流入南陽昭陽微山等湖連為一片仍入江南運河其一北流自趙王河至張秋入運幸東即濁水壩黃水由大清河歸海其分洩不及者一由徒駭馬頰河歸海一由臨清入衛河下注歸海

入運誠無余曰入運者清然豈久弗礙

目下由三湖入運者

水雖清若久則必致渾矣且黃流必停淤於湖實切後患耳

北者竟穿運幸值瀉水

壩

叶 據國奉奏現在入運水色俱係清水無黃據濟東道沈啟震於戴村壩及分水龍王廟口添築上壩

以防倒灌使運河得以消洩湖水免致黃流四溢停淤為患等語所辦頗合機宜覽奏為之稍慰目今急務惟坐飭堵築缺堤漫口庶早竣一日百姓早受一日之益 歸清河達海停淤弗致大

覽奏雖略慰長此安窮喟惟急築缺堤馳諭頻督戒司

河大小吏尚屬勤匪懈實無踈防獎

視在河工大小官吏尚屬勤勉勤慎

不致如從前有尅減工料分肥私橐之獎是以韓 錄等前請嚴加議處及治罪之摺均加恩寬免 而何

屢見敗無能致平成過在余自誠

題劉松年山水

青松丹柏繪蕭秋  
泌沼衡門結宇幽  
不向高人觀阿堵  
安能識得暗門劉

詠秋聲賦玉輅

王人巧意事雕鏤  
寫出歐陽聲賦秋  
著手無他多嘆息  
木蘭喜聽鹿呦呦

錦樹

錦樹無端見一枝  
山莊春色又如斯  
石渠早度關仝畫  
內府貯關仝蜀山  
棧道園中多錦樹  
芸閣常吟杜牧詩  
綠綺葉中標爛爛

白珠露下灩離離硃批奏摺猶餘瀋忙裏偷閑遂寫之

新月

一例人間月中秋月可人隔年望已久西宇見生新璜

影雲霞表水光山勾錘峯屈指數

上聲

幾日麗團輪

山東巡撫國泰續奏黃河漫溢並不為害運河及

南陽昭陽微山三湖情形詩以誌慰

向奏黃河分兩路由湖入運仍清水其故未解為

去聲躋

躋撫臣茲報志原委三湖清流既阻黃西則積水夾之

徙黃水由中直下注其寬約已四五里

前次韓錦等所奏黃水由湖入

運情形俱未明晰茲據國泰續奏南支黃水由金鄉魚臺下注南陽昭陽等湖已至江南沛縣地方其黃水現行溜勢東係湖水西係積水兩邊清水鍊夾黃水由中間下注寬約四五里等語此在山東為幸又不知流至江南其勢若何因傳諭詢問薩載將沛縣以下之水究歸何處詳悉查勘是否在沛縣從中運河仍流黃河故道歸海有無妨碍江南運道及民田廬舍之處逐一繪圖詳悉具奏

下則沛縣江南界驛

問薩載籌經理山東南運斯為妥其北張秋入者是南

岸減水向有壩暢流清河歸海矣

國泰又奏北支黃水由趙王河沙河至張

秋入運東歸大清河之處親往查看東岸減水壩平水三開五空橋均已開放水流甚暢直入大清河東注歸



海較前不致湍激並無淤墊其水黃色

已淡目擊回空糧艘過行無滯等語

回空糧艘行無

滯緯岸略修而已爾是則東運稍紓憂南望縈懷正未

已

題方琮山水

環抱蒼山瀑水流丹楓翠竹互爭秋金陵記得曾逢處

紅葉村中掃葉樓

中秋日作

散盡輕雲天四垂清輝萬里慶同披隨時遇景聊成賞

舊日承

歡有所思酉歲戌年却孤此

是二年以在二十七月中秋未至避暑山莊

亥秋

子節又踰其

已亥以後仍至山莊連今度中秋又三歲矣

電光三載幻如是

桂魄七言詠可遲

八月十六日避暑山莊啓蹕往木蘭之作

去歲罷園因大慶今年行獮例依常中秋甫過餅瓜節

上塞非遙麇鹿場幾度溪橋消野漲歷觀村圃得中穰

今歲塞外雨雖勤然旋雨旋霽不致大潦尚有三鬴之收 古稀有一仍繩

武不怠體乾勵自強

兩江總督薩載奏報黃河漫水由微山湖下注江

南暢達歸海情形詩以誌事

繼懷南運屢詢之及接封章增不怡去路雖云籌醜洩

來源其奈日輸施

薩載奏豫省漫水由微山湖下注江南邵宿桃清運河出楊莊口門歸海

近日河水稍長現將駱馬湖竹簾歸先行開放其餘各  
牌壩俟河水加長亦即次第啓放以洩運河之水若水  
勢再長即可由劉老澗石歸下注六塘河歸海是來源  
雖大而去路亦多等語薩載現已前赴運河勘籌分洩  
事宜因傳諭令其便至微山湖查勘水深丈尺并河湖  
淤墊情形據實具奏蓋黃水下注經過河湖無不淤墊

之理今河洲雖水俱尚清而奪溜之黃河不淤此一帶  
將何往或出於慰朕之口殊不足信惟飭李奉翰等迅  
速堵築決口使河歸故道得早合龍  
一日卽河湖少受一日之累耳  
卽今河水清仍注湧

懼湖心黃漸遠急則治標在決口合龍日夜企殷思

### 入崖口小獵作

我昔伊水遊崖口無過卽景吟數首木蘭行獵崖口經  
習武

家法惟敬承以此較彼輕重擬我意在此不在彼去年  
大慶因罷圍今歲依例秋獮舉叶通閨林凋塞草黃鷹

眼疾馬蹄輕矣駐營平甸試小獵三麾連中衆忤喜臂  
病兼之逾古稀自揣不謂能如是斯實宿學所致然可  
以絮矩於萬理

總督薩載總河韓鐸延撫國泰等奏黃水不致淤  
微山湖及運河情形詩以誌慰

黃河決北岸縫懷亦已久惟恐留淤泥貽害於日後問  
不啻再三陸續接來奏叶北者由張秋過運入海走南  
者經三湖亦未淤泥受其故以遙遙漫散漸泥留叶所

以湖及河仍清渾則否中河達楊莊入海更無咎

此決豫省

漫口所最慮者運河及徽山湖淤壅前屢經傳諭薩載  
韓鐸國泰等詢問情形不啻再三茲據薩載奏稱親詣  
江南運河查勘楊莊口門以外黃河現無來源運河來  
水甚清得由黃河故道暢注歸海且運河隨長隨消不  
致停滯其徽山湖之水自漫口經由曹單城武金鄉魚  
臺及豐沛等縣計程五百餘里沿途散漫漸次澄淤迨  
入徽山湖水色已清等語韓鐸等奏亦稱漫口距徽山  
湖數百餘里水緩流清至江省運河楊莊鹽關等處去  
路甚暢來水易消又時近霜降河水有消無長等語又  
國泰奏現在運河均係清水其黃水至徽山湖散漫遠  
流寬三四十里經過各縣勢不能挾沙暢注曹單城武  
一帶災地受淤將來水涸轉可變為膏壤又徽山湖週  
圍一百八十餘里地勢本低探量水深二丈有餘是運  
道湖河均可保無虞等語覽奏為之稍慰惟飭各該督

撫等相機宣洩幸屬實力撫綏并飭河臣趕緊堵築俾迅速合龍尤為目今第一要務云被灾數州縣賑恤教從厚佇待河復故淤田莫豐取不幸中之幸慰心敬稽首長此究非佳計惟塞決口

雨獵

八月廿二日

詰旦遙山早撒圍山雲忽挾細絲霏疑如親往傳罷獵却是千人已濕衣

是日出營時即微雨而撒圍者幸於寅刻即前往由遙山徐徐而進以待

然人皆備雨具而往遂於雨中行獵蒙古供獵者千二百人云千者舉成數耳

農人霑體還塗足獵騎衝烟亦冒雲各有所司計衣食

誰能一例免辛勤

見說山靈果是靈洗山雨為衆人經

是日經海喇汗山此處山神靈異凡

人衆經過必有雨試之屢驗俗謂之洗山云

倏看萬瀑全拖白何礙千峯暫

斂青

孟氏名言衆共之從來雨獵每勤斯

向過此屢有雨獵之作

軟弓

仍可家風試

往年騎射俱挽強自臂病後弓力大減今歲逾七十雖軟弓仍可命中蓋國俗尚有

軟弓長箭快馬輕刀之語為長技云

中鹿其常何足奇

雪獵

八月二十七日



雪獵全勝雨況經習馬鞍獸踪現莫隱山徑凍微乾  
聲控隨心穩復陶避體寒須更紅日朗玉失萬峯攢

雜詠

辛酉木蘭從獵者晨星一二見

康熙逮今辛丑四十載一二晨星靡孑遺

入獵乘興避曉涼

向年木蘭行圍即於清晨策馬近年以春秋漸增曉涼乘興至等城上圍

則仍控取如前也

調閑軟步試平岡無須重讀相如諫鄭重而

今自合當

新舊諸藩逮百旗

從獵蒙古王公內扎薩克四十九旗又喀爾喀四部及四衛拉特并青海

等部落各札薩克不下百餘旗我朝中外一家之盛實史冊所未見云

底應甌脫外觀之

或為子輩或孫輩親我老人左右隨

癸亥學談蒙古語回者唐古通通多

余自乾隆八年習蒙古語二十五年

平回部習回語四十一年平兩金川習番語四十五年因班禪來謁並習唐古忒語皆以學而能也而不學者光陰玩愒吾未如之何矣笑他玩日愒時者自畫無成奈汝何

### 出鹿柴門

門經鹿柴總肩輿

向年出入鹿柴門率乘馬自己亥始乘肩輿而園中仍騎射如常云歲

欽定四庫全書

卷八十四

過古稀應是如遵養因圖理幾政自強寧祇在佃漁篚  
筐率已大娛衆弓馬原仍未廢初六十年來於此矣

余自

十二歲恭隨  
武宗遠敬承

皇祖木蘭行園自乾隆辛酉後習  
家法歲以為常閱今益六十年矣

靜

思一瞬閱居諸

木蘭迴蹕至避暑山莊作

迴看射鹿木蘭邊千里雲收淨碧天莅止山莊秋又季  
搜吟書屋景當前峰容林態自終古

安問

歡承異昔年不可無言紀時日有言祇益意淒然

九日登高作歌

九日登高傳自古興來今日吟杜甫笑他未識此中佳  
藍水玉山奚足伍塞峯蒼翠天沈寥潭清武列翻銀濤  
俯仰間可會萬理詎惟即景恣清遨試云萬理如何會  
高字其義所包大天之高也日月運地之厚也嵩岱最  
奉茲三者曰惟君君之高也仍藉民徒恃厥高弗恤下

危乎危哉高將淪名之高者實或墮言之高者行難隨  
曲高六律和必寡堂高數仞終就卑儂數上聲斯其小者  
耳然則欲高有何美一覽七字促成章登高降下仍茲理

迴蹕至御園作

山莊避暑木蘭獵

祖迹繩承畢闡

謨盱理宵批敢懈彼民艱吏治益塵吾

今歲至山莊時  
正在辦理撤拉

爾逆回一案嗣卽次據阿桂奏報撲勦賊營已誅賊首  
蘇四十三其餘逆黨殲戮俱盡至六月間又據河臣奏

報黃河決口先抑睢南岸之魏家莊繼儀封北岸之曲  
家樓今南岸已經堵築而北岸據奏報堵築工已過半  
計十月中可以合龍因命阿桂於甘省事務竣後取道赴  
豫督辦又甘肅監糧折色一案王豐望為藩司視總督  
勒爾謹如木偶與首府蔣全迪狼狽為奸通省上下聯  
為一氣恣飽慾壑冒賑殃民鞠詢得實分別抵罪嗣四  
川復有囑賄匪槍劫拒捕之案且糾集多人竄入鄰境  
皆由總督文綬平日養癰貽患所致因降旨革職發往  
伊犁効力贖罪以福康安代之督率文武嚴行查辦近  
已據報獲賊百餘人指日根株可盡問閭得以安枕以  
上四事均於吏治民生大有關係數  
月來飛章馳報批答傳諭殆無虛日  
冬節初臨景略殊忽憶五年前此況

暢春亟去問

安無

陝甘總督李侍堯奏報秋收七分有餘并秋雨情

形詩以誌事

甘省春夏間今年雨頻登以此命詳察乃盡悉積弊

向來

甘省每歲報旱今春同叛回蘇四十三之事遣大學士  
阿桂尚書和珅先後往甘據節次奏報四五月間政賊  
之際每以雨阻且新任藩司福崧亦據實奏報得雨曾  
有詩誌慰因命詳查甘省節年報旱緣由始得盡悉王  
皇望等上下勾通折收  
監糧籍賑冒銷之弊  
寧濫毋或遺原期民受惠剝民

入私索濫乃至衛吏方伯如坐尸上下通一氣

始以甘省頻年

旱災地方吏請收捐監糧備賑部議准行原令祇收本色米使民受實惠王宣望乃私收折色銀與首府蔣全迪串通各州縣冒賑分肥毫無忌憚甚至如麥租之指缺賄求公行鬻吏而總督勒爾謹竟如木偶一任各屬恣意妄行斯而不抵法君誠若旒綴然恐覲覲者錯會竟未奏聞

吾之意謂吾或靳賑重增吾之罪既令而復申三五已

不啻

甘省冒賑一案經阿桂等查審得實因命將勒爾謹王宣望王廷贊解至熱河親鞠分別治罪以彰

國法其蔣全迪程棟以下各犯按贓多寡分別治罪庶剔除積弊此後或遇賑濟俾窮民實受恩惠但恐為督撫者誤會此意因噎廢食致將災賑之事靳固不舉因屢降明旨嚴切曉諭遇有歲歉即當據實奏報並令督率屬員痛除積弊俾窮民均受實惠不啻三令五申矣

即以甘省言偏災仍命恤



叶 甘省本年報偏災者已少仍傳諭李侍堯派委明幹公正人員詳悉查勘即不成災亦量予撫卹蠲緩或

借給口糧籽

種以資接濟 今接報秋收七分荷天賜

李侍堯奏甘省夏季以來除被

水被雹受偏災數處其餘皆雨澤調勻秋禾果穀雜糧大半黃熟間有收割者寧夏水田稻穀亦漸成熟收成約在七分

以上此或因今歲積弊一清而民情豫順感名

天和雨暘時若未必不由此也

市集糧

價平吾民或少濟貧官何處無捐監大奇蔽侵帑復剝民豈有不招戾積弊一以清召和理應致三黜過閭閻閱奏心誠慰歷久被人欺是吾之過事觀過可知仁自解無明志

辛丑冬至

南郊禮成述事

圜壇肅步陟三層

紺幕穹垂薦壁登大節恰符七日復

是月初七日

明禋顯幾

去聲萬年承

文昭武穆胥陪配

功祖德宗切繼繩將事逮今卅有六蒙

恩滋久益虔兢

雪

十一月  
十二日

將言時應祈甘雪

今歲入冬以來未得雨澤昨因傳旨  
詣時應宮祈禱傍晚即見霏微今晨

拈香後益加綿密至戌刻方止除融化入土  
外積厚六寸初次得雪以此優渥實所罕觀  
傍晚雪濃

夜雪霏散謂澤霑弗重顧越欽恩渥示先幾近連太液  
迷銀界遠望西山隱翠微纔覺希膏遇優霑何修惟益  
慎宵衣

御門日作

御門折本待綸宣例事亦為勤政先了識安民在察吏

未能去慝且求賢心怕宿雪忘寒峭眼看生雲願澤連

是日復陰

大學士蕪裏行四合予三百六旬年

余今歲七十有一而大學

士英廉七十五歲嵇璜亦七十一歲協辦大學士尚書永貴七十六蔡新七十五合之得三百六十八歲本日

御門閣臣領首耆年者

四人實亦國家盛事

倣孫克弘盆蘭仍用張照題是畫韻

冬居例用還法宮近喜甘玉尺澤蒙宵長數點漏聲下  
雪居圖展消清夜題詞竭爾憶舊臣不殊昔日前席者  
因之放筆倣孫為幾朵吐芬幾葉灑亞盆亦植有溫蘭

卷八十四  
一是二沒握把却笑難呼圖裏人通句顏書為廣寫

大學士阿桂等奏報青龍岡壩工合龍詩以誌慰

通年瓠子屢河工今歲北開更切忡

戊戌秋儀封決口庚子睢寧之郭家

渡考城之張家油房均在南岸漫決今歲七月青龍岡  
漫口則移在北岸以有閘運道較從前南岸屢念尤切

搶水引渠相悉慮

今歲青龍岡漫口所最慮者運河及  
微山等湖淤墊屢經傳諭薩載國泰

等相機開放節宣以期暢達歸海嗣據薩載等奏報豫  
省漫水由微山湖下注埽宿挑清運河出楊莊口門歸  
海并將駱馬湖竹簍肺先行開放其餘各肺壩亦次第  
啟放洩水由劉老澗下注六塘河歸海是來源雖大而  
去路亦多運道湖河得保  
無虞實不幸中之幸也

昏民墊戶自慙躬深冬始得

合龍告善後並屋哀雁窮

十一月三十日阿桂等馳奏連日督率在工文武晝夜於

東西兩壩趕下門埽追壓堅實壩臺增長高厚於二十  
六日辰刻卦纜堵合二十七日午刻金門斷流大溜全  
歸引河衝刷寬深量測中泓已有一丈四五尺流行迅  
駛此時已到江南交界等語覽奏深為欣慰因降旨將  
阿桂李奉韓韓鐸富勒渾交部議叙其在事文武各員  
並令查明一體議叙此次北岸開口於數月之後合龍  
堵築迅速實賴河神默助因勅韓鐸等於該處建造  
龍王廟以昭神貺又江南沛縣被災較重飭發兩淮  
鹽課銀五十萬兩交與薩載妥協  
經理以為修葺城垣撫卹災黎之用

天佑心欽敢言報速因

神助建祠崇

雪

十二月十二日

四鼓纔聞報雲佈宵衣起見雪霏晨始猶細灑為醞釀

繼遂密飄速北垠先

去聲

得一旬光泰宇

在立春前十日

積來四

寸利農民祥符前月剛彌月三十六宮都是春

冬至月十二日

雪旬餘復微雪一次茲更優渥積地

四寸正十二月十二日故用卽子句

壬寅春帖子

四時分卒始一氣運貞元綵勝凝和龜青旂萃祉繁

迎樂奏青陽瞻雲出瑞房

房星為東方七宿之一易通卦驗曰立春少陽雲出房

被田三白渥心慶兆農祥

歲月日干都在且靈臺推步總無差明年春以今年入  
德協重重物紐芽

歲暮禋祭

太廟是日雪

瑞霽達曙積金鋪

太室修禋叶六符鼓瑟吹笙歌永思

去聲

霏珠灑玉兆祥

敷同宗詎祇一脉也治國其如示掌乎弟子姪孫出



聖祖

正位躬致辨香  
及皇子一同拈香獻帛獻酒者皆余弟子姪孫均

皇祖曾元孫輩本支慶

衍實前古史冊未有之盛矣 天家慶羨古來無

題王翬雪江圖

雪江曾詠宣和矣生面別開視此乎巫峽水聲補杜句

卷尾輩自書雲來氣接巫  
峽長二句並識補杜詩云  
富春嶺法運黃圖  
是圖雖用  
宣和雪江

之名而全用黃公  
望富春山居之意 鴉羣字意渾難辨驢背詩情若可呼

卷尾乾坤一亭在

園景如此蓋  
亦用杜詩意

目窮千古迴標孤

翬畫藏內府者甚夥亦多廣鼎獨此卷渾穆高古寒

氣逼人較之宣和雪江斯為無縫天衣矣

除夕

一日不相讓鵬除又此時踏庭布麻秸燭鼎著松枝遇  
閏仍荏苒排年暗轉移憲書惜釋手明歲失

康熙

憲書排年以甲子一週為度我皇祖紀年六  
十一為最久至明年壬寅但紀雍正元年矣為之

然愴

御製詩四集卷八十四